

کتابخانه

آدرس: نیا-مئنده آریجه
• فروش کوندرملیدر.

مکتوبلرک امضاری واضح
واوقوناقلی اولسی وآبونه
صره نومروسنی محتوی
بولونسی لازمدر

ممالک اجنبیه ایچون آبونه
اولانلرک آدرسلرینک
فرانسجه یازلسی رجا اولنور.

پاره کوندرلدیکی زمان نهیه
دائر اولدینی بیلدیرلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد حاکف

والله یهدی من یشاءالی صراط مستقیم

آبونه شرائطی : هریر ایچون
سنه لکی (۴۰۰) الق ایلی
(۲۲۵) ، ممالک اجنبیه ایچون
سنه لکی (۴۵۰) ، آلتی آیلنی
(۲۵۰) غروشدر.

نسخه سی ۷,۵ غروشدر .
سنه لکی ۵۲ عدددر .

اداره خانه : باب عالی جاده سنده
رشید اقدی خاندنه

اخطارات

آبونه بدلی پشیندر .

مسلكه موافق آثار مع المنونیه
قبول اولنور . درج ایدله بن
یازیر احاده اولنماز .

جغرافی ، اقتصادی ، سوق الجیشی اسبابه استناد ایدن نقاط اساسیه بوجه آیدر .

۱ — طرفین حکومتی آرمنده منازعه اولان خصوص ، موصل ولایتک عراق حکومتته الحاق ایدیلوب ایدلیه چی مسئله سیدر .

۲ — بالعموم عراق ، سیاسی ، تاریخی ، جغرافی اقتصادی سوق الجیشی مطالعات مذکوره ولایتده تورک حاکمیتک ابقاسی مستزمدر .

۳ — انکلتزه حکومتی تورک تخمینات و تقدیراته نظراً اهالینک جزئی بر اقلیتی تشکیل ایدن هر بلره قارشی تورک و کوردلرک حاز اکثریت اولدینی قبول ایتمکدهدر .

۴ — انکلتزه حکومتک آنف الذکر ولایتک عراق حکومتته الحاقی طلب امرنده ایراد و انیان ایتدیی باشلیجه دلیل اهالی به تورکیادن آیرلیق خصوصنده عطف ایتدیی امل و آرزودر .

حال بوکه اشبو مظهرده ذکر ایدیلان انکلیز منابنه حاند و نائق اهالینک عظیم بر قسمنک مملکتلرینک اساساً منازعه اراضیه دایر بر حق ادعاسنه حق اولمایان عراق ایله اتحادینی آرزو ایتمدیکنی تأیید ایتمکدهدر .

۵ — احوال مسروده تک بداهتی خلافت اولارک انکلتزه حکومتی اهالینک تورکیه دن آیرلیق خصوصنده کی نمایلاتنده اصرار ایتمکدهدر . تورکیه حکومتی ده معاکس مدعاسنده مصر بولونمدهدر .

بر عین مسئله فعلیه حقیقه تمدت ایدوب اختلافک حل و تسویه سنه وابسته بولونان بو اختلاف فکرونظر بو خصوصده آرای عمومی به مراجعت عملیه سندن عبارت اولامی لازم کلن محق و عادلانه بر واسطه تحقیقه مراجعتی اشتراک ایتمکدهدر .

۶ — بناء علیه تورکیه ایله عراق آرمنده کی حدود موصل ولایتک مقدراتی سرستی آرای کافل اصغری تأمینات آلتنده اجرا ایدیله جک آرای عمومی به مراجعت عملیه سی طریقله تدیت ایدلدکن صوکره تمین ایدیله بیلیر . تورکیه جمهوریتی حکومتی بوکسک عدالت حیسانیه متعسس اولان جمعیت اقوام مجلسنک تدقیق مذاکره سنه عرض ایتمکده مشرف اولدینی مطالعاتی نظر اعتباره آلاچی قناعتده ثابت قدمدر .

شمدی به قدر ، جمعیت اقوام مجلسنک وقوع بولان مسیاعیسی تورک نقطه نظریله انکلیز نقطه نظری کلامتدن عبارت اولمدر . انکلیزلر رأی عامه مراجعت اساسی قبول ایتماشلر و بالمقابل هیئت مرخصه من رأی عامه مراجعت اوزرنده اصرار ایتمشلردر .

چوچوقلریمز سو قاقده قالیر

مدرسهل قاپاتیلدی و قاپاتیلرکنده تعقیب ایدیلان غایه تک توحید تدریسات اولدینی سویله نیلدی . یعنی مدرسه لده او قویان کنجبلر ، دیگر معارف مکتبلرنده او قویاقلردی . شو حالده الفا ایدیلن مدرسه لک یرنه یکی علم و عرفان مؤسسه لری فونلاسی ، بی مکتبلر آچلماسی لازم کیوردی . تا که مدرسه ل اورتهدن قانقجه میدانده قالان بر قاق بیگ طالب علم او قویاچ مکتب بولسونلر . بناء علیه ایجاب ایدردی که معارف و کالتی قاپادینی مدرسه قدرده مکتب آچسون و کوسنی کره کره بکنمکلی ببقدم ، فقط یالکز بیقمله قلامد ، یرنه بکنمیکم و ایسته دیکم شکلده یکی علم و عرفان مؤسسه لری ده اقامه ایتدم ، دیه بیلین ! حال بوکه بزده دائما واقع اولدینی اوزره بودفنده یالکز واولا بیقیلدی . بیقیلانلرک یرنه هیچ برشی فونولادی .

ایسته استانبولده بیکلرجه چوچوق سو قاقلردر . مکتب آرامغه مشغولدر .

اولاد وطن علم و عرفانه تشنه ، خلق چوچوقلرینی او قومتی ایسته بور . پارلاق لظفر ، جاذب و عدلله مملکتک علم و عرفان سویه سنی یوکسکته جکلرینی جهله قارشی اعلان حرب ایتدکلرینی ، شو یله یایاقلرینی ، بویله ایدله جکلرینی سویله یین و مملکتک امور معارفی تدویر مسئولیتی درعهده ایتمش اولانلر ایسه شمدی ، بنایوق ، معلم یوق دیه اظهار عجز و شکایت ایدیورلر . « مکتب یوق ، معلم یوق » شکایتی خلقک آغزینه یاراشیر ، مملکتی جهلدن فور تارمی وظیفه سنی درعهده ایدنلره دهل . اولنر بالعکس مکتب ، معلم ، کتاب هر شیئی نه یاپوب یاپوب بولغه مجبوردرلر .

استانبولده و بوتون مملکتده بو یوک بر مکتبسزلک بحرانی اولدینی یالکز بزادها ییوروز . مقصد تأسیسی ، حکمت وجودی ، حکومتک اجرا آتی مدافعه اولان غزته لری بیله عینی فریاد شکایتی یوکسه لتیورلر . چونکه اورتده کوزله کورولن و آل ایله طوتولان بر حقیقت واردر : او قومتی ایسته یین اولاد وطن وار ، فقط مکتب یوق . مکتب آچمی ، یعنی بیقملی بیلدیکی قدر یاقمی ده بیلن بر معارف و کالتی یوق . . .

حکومت غزته لری یالکز استانبولده درت بیگ قدر چوچوقک او قومتی ایچون مکتبلره مراجعت ایتدکلرینی و یر اولادینی ایچون بر قسمنک قبول ایدلدیکنی یازیورلر . استانبولده مکتب اولادینی کبی طشره لدهده یوق . اکر اولسه یدی طشره دن یوزلرجه چوچق مملکتلرینی بیراقوب استانبولده کلزلر و اوج یوز دانه سی ده آچیمده قالماددی . دیمک که معارف و کالتیزده بیقملی قوتی وار ، فقط یاقمی قابلیتی یوقدر . و فی الحقیقه بری چوق قولابدیر . بر تک امرله قاپولر قاپانیر و هر هانی بر مؤسسه اورتهدن قانتار . فقط یاقمی اوله مبدر ؟ علم ، تجربه ، اختصاص ایستر . بولنر ایسه مبعوث ویا وکیل اولغه مان قازانیلماز .

مملکتک مکتب دردیله قیوراندینی کوروبده بنالری و معلملری ، دیگر ولایتلردن دهاسره ک و سهولته قابل تدارک اولان استانبولده بیله یکی مکتبلر آچامایان ، خلقک او قومتی احتیاجی تطمین ایدمه یین ، چوچقلمی سو قاقده بر اقان معارف و کالتنه ، اصل معرفت بیقمه ده کل یاقمه در ، دیمک حقمز یوقی ؟ [توحید افکار]

کنج قاقبه خرسیتیانلر جمعیتی

آطنه ده انتشار ایدن (طوق سوز) غزته سی یازیور :

« جمهوریت » غزته سنک ۱۵ ایلول تاریخی نسخه سنده [قیزلر ، حیات ، صحت و نشسته یرن بر مؤسسه] سرلوحه لی بر بند او قودق . « حکومتک کوچوک دیلی » دیدیکمز بر غزته یازیلیله استانبولده کی (کنج قاقدین خرسیتیانلر) جمعیتنک چفته حوضلرده کی یازاق قاپلرنده مختلف ملتله منسوب قیزلر ناصل یوزمک تکره تیلدیکنی آ کلاته رق بو مؤسسه یی کنج خانلریمزه حرارتله توصیه ایدیور و « بوکوزل مؤسسه ده تورک قیزلرنک ازلی شایان تأسف اولمقدن خالی دکلدی » دیور . . . مرکزی آمریقاد و شعبه لری دنیا تک هر طرفنده بومیانده آناتولینک بر قاق یرنده و استانبولده شعبه لری موجود اولان بر « کنج خرسیتیانلر جمعیتی » واردر . بو جمعیت مسلمانلره تنصر ایتدیرمک ایچون هر فدا کارلنی یاپان و بوندن بشقه یونانلرله ، ارمنیلره پارا طویلایان ، دنیاده یالکز تورک و تورک وطننه دوشمان بر تشکیلاتدر . داهما بش اون کون اول استانبول غزته لری بولنرک آمریقاد تورکلر هلپنده کی پروپاگاندا لردن لغتله بحث ایدیوردی . اسمندن ده آ کلاشیلدینی کبی کنج قاقدین خرسیتیانلر جمعیتی ، یعنی (جمهوریت) غزته سی توجهی قازانمی ایچون خانلریمزه توصیه